

dechtigenn unnd getreuenn, herr Ambrosio Rauch doctornn, die zwei prebsten sampt dem convent zu sanct Thomas unnd dem rath zu Leipzig eyner ordenungg stellenn lassen, darauf sich die wyrdigenn unnd hochgelartenn, unnsere liebenn anndechtigen unnd getreuenn rector, magistri unnd doctores unnserer universitet zu Leipzig ann unns beclagt unnd derhalbenn befreyet zu sein vormeinnt, daraus dann weithere yrrungg 5 entstannden, als habenn wyr sie vonn allenn teilenn von unnserrn rethenn auf welche gehalthennenn ostermarckt gegen einander verhoahren lassen, die aber beydenn partheien sie guthlichenn zu enntschieden keynne folge haben mugen, derhalbenn wyr yhnenn diesenn abschiet gebenn, das die doctores, magistri unnd studenten, so do nicht burgers kinder noch sunnst inn bemelther ordenungg ausgezogen seinn, oder das burgerrecht nit 10 habenn angenommen, sollen vor sich unnd yhre ehweiber das begrebnus inn dehn clesternn zu sanct Paul ader barfussern zu wehlenn haben, doch das zuvornn unnd eher dann die leiche dohinn getragenn, dem pfarrher inn des pharre die leiche ist, ein silbernn schock vor seinn pharrerecht, unnd dem gotshause auch ein gut schock zu dem gewonlichenn huthgelt gegeben, daruber yhnenn dann nit sal aufgelegt werdenn denn 15 dreyssigstenn ader anndere begengknuss in der pharr zu bestellen, sunnder es inn yhren willenn stehenn, unnd sal sunnst allenenthalbenn innhalts obgemelther unnserer ordenungg gehalthenn werdenn treulichenn unnd ane geferde. Zu urkundt mit unnserrn annhann- gennden insigil besigelt, unnd gebenn zu Leipzig freitags nach der himmelfarth Christi anno domini funnfzehennhundert unnd im sechs unnd dreyssigstenn. 20

384.

*Bischof Sigismund von Merseburg empfiehlt der Universität seinen an sie geschickten und mit Vollmacht versehenen Kanzler Dr. Johann Stramburger.* **Merseburg, 1537 Febr. 18.**

*Nach dem Abdruck in den unschuldigen Nachrichten 1753, 302.  
Gedr.: Zarncke, Acta Rectorum 87.*

25

Von gotꝝ gnaden Sigismundus bischoff zu Mersenburg. Unsern gruß und gunstigen gutten willen zuvorn. Wirdigen, hochgelertten und achtharn, lieben, anndechtigen und besondern. Wir haben dem hochgelarten und achtbarn Iohan Stramburger doctori unserm cantzler etliche werbungge von unsertwegen an euch zu tragen bevohlen, und ist demnach an euch unser gutlich begir, ir wollet ime in diesem fahl 30 gleich uns selbest statt und gutten glauben geben. Daran thut ir unß gefallen und seint euch gunstigs willens geneigt. Geben zu Mersenburg sonntags invocavit a. 37.

Dem wirdigen, hochgelarten und achtbarn herrn rectori, magistris und doctoribus der hohen schulen zu Leiptzigk, unsern lieben andechtigen und besondern.